

Маңғыстау ауылы әкімінің кейбір шешімдеріне өзгерістер енгізу туралы

Маңғыстау облысы Мұнайлы ауданы Маңғыстау ауылы әкімінің 2017 жылғы 3 ақпандағы № 37 шешімі. Маңғыстау облысы Әділет департаментінде 2017 жылғы 6 наурызда № 3285 болып тіркелді

РҚАО-ның ескертпесі.

Құжаттың мәтінінде түпнұсқаның пунктуациясы мен орфографиясы сақталған.

Қазақстан Республикасының 1993 жылғы 8 желтоқсандағы "Қазақстан Республикасының әкімшілік - аумақтық құрылысы туралы", 2013 жылғы 21 қаңтардағы "Қазақстан Республикасының кейбір заңнамалық актілеріне ономастика мәселелері бойынша өзгерістер мен толықтырулар енгізу туралы", 2016 жылғы 6 сәуірдегі "Құқықтық актілер туралы" заңдарына сәйкес және тиісті аумақ халқының пікірін ескере отырып, Маңғыстау ауылының әкімі ШЕШІМ ҚАБЫЛДАДЫ:

1. Маңғыстау ауылы әкімінің кейбір шешімдеріне мынадай өзгерістер енгізілсін:

1) Маңғыстау ауылы әкімінің 2008 жылғы 16 маусымдағы №226 "Маңғыстау селосының әкімшілік-аумақтық құрылысына қарасты құрамдас бөліктерінің атауларын өзгерту туралы" шешіміне (Нормативтік құқықтық актілерді мемлекеттік тіркеу тізілімінде №11-7-11 болып тіркелген, 2008 жылғы 18 шілдедегі №28 "Мұнайлы" газетінде жарияланған):

көрсетілген шешімнің тақырыбы мынадай редакцияда жазылсын:

"Маңғыстау ауылының әкімшілік-аумақтық құрылысына қарасты құрамдас бөліктерінің атауларын өзгерту туралы";

көрсетілген шешімнің 1,2,3,4,5 тармақтары мынадай редакцияда жазылсын:

"1. Маңғыстау ауылындағы ескі көпірге баратын жолдың сол жағында орналасқан жалпы ауданы 35 гектар (201 учаскеден тұратын) Маңғыстау-1 тұрғын үй алабы, Маңғыстау-1 тұрғын үй массиві деп аталсын.

2. Маңғыстау ауылындағы ескі көпірге баратын жолдың сол жағында орналасқан жалпы ауданы 35 гектар (207 учаскеден тұратын) Маңғыстау-2 тұрғын үй алабы, Маңғыстау-2 тұрғын үй массиві деп аталсын.

3. Маңғыстау ауылы мен Ақтау қаласы аралығындағы тас жолының оң жағында орналасқан жалпы ауданы 84 гектар Маңғыстау-3 тұрғын үй алабы, Маңғыстау-3 тұрғын үй массиві деп аталсын.

4. Маңғыстау ауылы мен Ақтау қаласы аралығындағы тас жолдың сол жағында орналасқан жалпы ауданы 164 гектар Маңғыстау-4 тұрғын үй алабы, Маңғыстау-4 тұрғын үй массиві деп аталсын.

5. Маңғыстау ауылының солтүстік жағында орналасқан жалпы ауданы 250 гектар

Маңғыстау-5 тұрғын үй алабы, Маңғыстау-5 тұрғын үй массиві деп аталсын";

2) Маңғыстау ауылы әкімінің 2011 жылғы 31 қазандағы № 170 "Көше атауын беру туралы" шешіміне (Нормативтік құқықтық актілерді мемлекеттік тіркеу тізілімінде № 11-7-102 тіркелген, 2011 жылғы 11 қарашадағы №64 "Мұнайлы" газетінде жарияланған):

көрсетілген шешімнің 1 тармағы мынадай редакцияда жазылсын:

"1. Маңғыстау ауылындағы теміржол өткелінен бастап қоғамдық ұйымдар ғимаратына дейінгі көшеге (жалғанған қосымша сызбаға сәйкес) Әбіш қожа аты берілсін".

2. Маңғыстау ауылы әкімінің орынбасары (Б. Касымов) осы шешімнің әділет органдарында мемлекеттік тіркелуін, оның Қазақстан Республикасы нормативтік құқықтық актілерінің эталондық бақылау банкінде және бұқаралық ақпарат құралдарында ресми жариялануын қамтамасыз етсін.

3. Осы шешімнің орындалуын бақылауды өзіме қалдырамын.

4. Осы шешім әділет органдарында мемлекеттік тіркелген күннен бастап күшіне енеді және ол алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Әкім

Қ. Өтемұратов